

## Die Schöffer

Uff ämol iss Ruh.  
Der Wiend, der immerzu  
seit Tage gange iss, iss weg.  
Känn Rääche mehr, känn Schnee.  
S iss grad, als würd ä guti Fee  
die Hand ausstreck.

Die Schöffer senn betroffe, stumm,  
der Hund gäuzt aus Verwunderung,  
ihr Feuer, vorher am Lebe ghalte Mit Not,  
jetz kerzegrad zum Himmel löht!

Unn hell werds uff ämol om Firmament,  
heller unn heller, als obs brönnt - -  
unn doo iss der Stern, genau über dam Staal -  
unn ein Gedöns iss überall!  
Hüwe unn düwe unn in der Höh  
Klingts wie tausend Flöte, sou schöö!

Do hilts die Schöffer nemmer beim Pferch.  
Sie laffe unn renne - nü, wu om Berg  
ganz hell unnerm Stern die Scheuer steht  
unn finne des Kiend - - iss des eini Fräd!

Sou glückli senn der Moo unn die Fraa  
unn überall des Gloria!

Danne Schöffer werds sou weit do inne;  
sie süche, ob sie ness zum schenke finne.

Viel isses nit. Ä wenni Spaack unn Kees,  
die Kerli hömm doch salwer ness.  
Aber des bible, was sie könne entbehr,  
tun sie dam Klänne Kiend verehr.

Sou selig senn sie, weil von der Wääd  
der Stern sie hot zum Heiland gführt.  
D i e Nacht, d i e Liebe unn d i e Fräd!  
Die Schöffer wisses, die höms gspürt!